



ISUMAQATIGIISSUT

Sulinermik Inuussutissarsiuqartut Kattuffiat (SIK)

Aamma

Greenland Airports

akornanni

Sulisut sinniisaat pillugit

Imarisai

§ 1 - Isumaqatigiissummi pineqartut.....	3
§ 2 - Aaqqissuussaanera.....	3
§ 3 - Sulisut sinniisaannik qinersineq.....	4
§ 4 - Suleqatigiinneq.....	4
§ 5 - Sulisut sinniisaattut sulineq.....	4
§ 6 - Sulisut sinniisaattut suliaqarunnaarneq.	7
§ 7 - Piffissaq isumaqatigiissutip atuuffia.....	9

§ 1 - Isumaqatigiissummi pineqartut

Sulisut sinniisoqarnerannik aaqqissuussineq sulisartunut sulisorineqartunut tamanut Greenland Airports aamma Sulinermik Inuussutissarsiuteqartut Kattuffiata akornanni isumaqatigiissutit malillugit sulilersinneqartunut atuuppoq.

§ 2 - Aaqqissuussaanera

Suliffeqarfinni tamani Greenland Airports aamma SIK-p akornanni isumaqatigiissutit malillugit ikinnerpaamik 5-nik sulisulinni sulisut sinniisaannik ataatsimik taassumalu sinniisissaanik qinersisoqartassaaq.

Imm. 2. Isumaqatigiissummi malittarisassat allat sinniisussamut atuutinngillat. Sinniisussaq sulisut sinniisaattut ivertinneqassaaq § 3, imm. 2-mi maleruagassat naammassineqarpata.

Imm. 3. Suliffeqarfimmi sulisut 5-nit ikinneruppata sulisut sinnii-saannik aaqqissuussinerup atuut-sinnineqarnissaanik isumaqatigiissuteqartoqarsinnaavoq.

Imm. 4. Nunaqarfinni imm. 1-imiit 3-mut malillugit qinersinermut taarsiullugu sulisut Greenland Airports SIK-llu akornanni isumaqatigiissutit naapertorlugit sulisorineqartut ataatsimut 1-imik sinniisulerneqarsinnaapput.

Imm. 5. Suliffeqarfik arlalinnut immikkoortitigaagaangat aamma/i-maluunniit arlalinnik sumiiffe-qartitigaagaangat, tamarmik immikkut tallimanit ikinnerusunik sulisoqartillugu, sulisut sinniis-saannik qinersisoqarnissaanik isumaqatigiissuteqartoqartassaaq, taamaalilluni sulisut sinniisoqar-nerannik aaqqissuussinerup siunertaa sulif-feqarfinnilu pisariaqartitat naammassineqarsinnaaq-qullugit.

Imm. 6. Suliffeqarfimmi ataatsimi sulisut arlalinnik sinniisoqarpata suliffeqarfimmi sulisut sinniisaat akunnerminni ataatsimut sin-niisussaminnik qinersisinnaapput apeqqutini tamanut tunngas-suteqartuni, assersuutigalugu § 5-imi imm. 1-imi taaneqartuni, sulisut ta-marmiusut sulisitsisumut sinniisorisinnaasaannik.

§ 3 - Sulisut sinniisaannik qinersineq

Sulisut sinniisaat § 2-mi imm. 1-imi aamma 2-mi taaneqartut iluanni sulisunit qinerneqartoq SIK-p Peqatigiiffianut, SIK-mut attaveqartumut, ilaasortaassaaq. Sulisut sinniisaat sulisut ukioq kingulleq Greenland Airports-imi sivikinnerpaamik qaammatini 3-ni sulisimasut akornannit qinerneqar-tassaaq.

Imm. 2. Sulisut sinniisaannik qinersineq SIK-p Peqatigiiffiata siu-lersuisuinut nalunaarutigineqar-tassaaq. Siulersuisut akuersissuteqaqqaartinnagit sulisitsisumullu allakkatigut tamatuminnaga nalu-naaruteqaqqaartinnagit qinersineq atortussaatinneqartassanngilaq. Sulisut sinniisaannik qinersineq pissutissalimmik akerlerineqassap-pat sulisitsisoq pisinnaatitaavoq qinersineq SIK-p Peqatigiiffiata siulersuisuinut naammagittaalliuutigissallugu.

§ 4 - Suleqatigiinneq

Sulisut sinniisaat pisussaavoq sulisitsisoq suleqatigalugu pisin-naasani naapertorlugit sulinermi pissutsit eqqissisimanartuutinniassallugit pitsaasuutinniassallugillu. Sulisitsisoq taamatuttaaq pisussaataaavoq.

§ 5 - Sulisut sinniisaattut sulineq

Sulisut sinniisaat naammagittaalliuutit, isumaqatigiinnginnerit aamma isumaqatigiissutitut tunngasunik ajornartorsiutit pillugit isumaqatigiissitsiniarnissamut pisinnaatitaallunilu pisussaataaavoq, ilaatigut makku pillugit:

- Piffissap suliffiusussap inissisimanagera,
- nerinermi qasuersaarnermilu uninngasarfissat taakkulu inissisimanageri,
- sulinngiffeqarnissap pilersaarusiorneqarnera,
- nakkutilliinissamik sulissutigisassat,
- sullivimmi isumannaallisaanissamut tunngasunik aaqqissuussinerit,
- isumaqatigiissutini paasinnittarnermik ajornartorsiutit,
- eqqiluisaarnermut tunngasunik,

toqqaannartumik peqataasut sulisitsisullu akornanni isumaqatigiittoqarsinnaassanngippat. Tamanna atuuppoq apeqqutip sulisitsisumit suleqataasunilluunniit sulisut sinnii-saannut apuunneqarnera apeqqutaatinnagu. Isumaqatigiinniarnert taakkulu naammassineqarnerat isumaqatigiissutitut tapiliussatigut allakkiarineqartassapput tamatuma kingornatigut illuatungeriinnit malinneqartussanik.

Imm. 2. Sulisut sinniisaat sulisitsisorlu piginnaatitaanngillat isumaqatigiissutini atuuttuni pissutsinik aalajangersarneqartunik allannguissamik isumaqatigiinniuteqarnissamut.

Imm. 3. Sulisut sinniisaata isumaqatiginninniutigisinnaasai sulinermi pissutsinut sulisitsisumik isumaqatiginninniartfigisinnaasaanut killilerneqarput. Sulisut sinniisaat pisussaavoq:

- sulisitsisumit suliassiissutigineqartup suleqataasup inuunini avatinilu navianartorsiortinnagit suliarsinnaaneraa nakkutigissallugu.
- Ulorianartunik sulisoqartillugu soorlu akuutissanik toqunartortalinnik, umiarsuarni imerpasuusivinnik salinissani, innaallagissiorfiit motor-inik salinissani, salliarnartalinni sulinissani, qaartiterinissani il.il. sulisut sinniisaat sulisullu taama sulinerup aallartinnginnerani tamakkuninnga ilisimatinneqartassapput.

Imm. 4. Suliffeqarfimmi nutaanik sulilersoqartillugu sulisut sin-niisaat pisussaavoq sulilersut suliffeqarfimmik aamma sulinerup qanoq issusianik paasissutississallugit aamma sulineq aallartinneqar-tinnagu suleqatiminnut ilisaritissallugit.

Imm. 5. Suliffeqarfinni piffissani nikerartuni suliffinni suleqati-giikkuutaat tamarmik § 2-mi imm. 5 naapertorlugu sulisut sinniisaannik qinersisinnaapput.

Imm. 6. Sulisut sinniisaata sulisut sinniisaattut sulinera ingerlanneqassaaq pineqartup nalinginnaa-sumik sulineranut annikinnerpaamik uneqattaartitsilluni.

Imm. 7. Suliffeqarfinni arlalinnik sulisunut sinniisulinni sulisit-sisup SIK-llu Peqatigiiffiata toqqaan-nartumik Isumaqatigiinniareernerisigut ataatsimut sulisut sinniisaata (sinniisuunerup) piffissap suliffiup affaa tikillugu suliffeqarfimmi taassumalu avataani aningaasarsiaminik annaasaqaatiginagu sulisut sinniisaattut sulinerminut atuisinnaanissaanut periarfissaqarpoq.

Imm. 8. Suliffeqarfinni ataatsimoorussamik sinniisoqanngitsuni su-lisut sinniisaata sulinermini atugassai sulisitsisup aamma SIK-p Peqatigiiffiani siulersuisut akornanni isumaqatigiissutigineqar-tassapput.

Imm. 9. Suleqatit, sulisitsisup imaluunniit sulisut sinniisaata kissaateqarnerisigut ataatsimiittoqar-tarsinnaavoq. Suleqatit sulisullu sinniisaata ataatsimeeqatigiinneri piffissami sulisut sinniisaata sulisut sinniisaattut sulinissaminut atugassaata ingerlanerani ingerlanneqartassapput.

Imm. 10. Ukunani peqataanerit: Ataatsimiinnerit, isumaqatigiinniarnert taakkunanilu piareersarnerit sulisut sinniisaasa ataatsimiinneri imaluunniit allatut iliornikkut sulisut soqutigisaanik suliaqassatilluni piffissap suliffiup ingerlanerani suliffimmi aamma suliffiup avataani pisut, SIK-miit imaluunniit SIK-p Peqatigiiffianit aaqqissuussaasut, suliffimmit qimagusimanissamik pisinnaatitsiffiupput akissarsiat tamakkiisumik pigiinnarlugit.

Imm. 11. Illuatungeriit tamarmik pisussaapput tatigeqatigiilluni suleqatigiinnikkut § 4 malillugu apeqqutit tamaasa aaqqinniartarnissaannut. Isumaqatigiittoqarsinnaassanngippalli sulisut sinniisaat SIK-mut ikiortissarsiorsinnaavoq, taamaaliortoqarpallu SIK sulisitsisumut isumaqatigiinninnialersinnaavoq. Tamatumuuna isumaqatigiittoqarsinnaassanngippat suliaq ingerlateqqinneqarsinnaavoq sulianut tunngasuni aaqqiagiinngissutit suliarineqartarnissaat pillugu isumaqatigiissut naapertorlugu.

Imm. 12. Sulisut sinniisaata suliffeqarfimmi suleqatit soqutigisaasa suliarineqartarnissaat pisussaaffigaa. Tatigeqatigiilluni suleqatigiinneq sapinngisani tamaat ingerlaannartinniassavaa. Pingaartumik sulisut sinniisaata suleqatigiinnissamullu ataatsimiititaliap - suliffeqarfimmi taamaattoqarpat - isumaginiassavaat suliffeqarfimmi tamanut isumaqatigiissutitigut aalajangersakkanik paasinnilluarnissamut suleqataanissaq taamatullu pisussaaffigalugu aalajangersakkat tamakku malinneqarnissaasa sulissutiginnissaat.

§ 6 - Sulisut sinniisaattut suliaqarunnaarneq

Sulisut sinniisaata soraarsitaanera pissutissaviusunik tunngaveqartinneqartassaaq, sulisitsisorlu pisussaavoq sulisut sinniisaat soraarsitaanissaanik ilisimatissallugu sulisut sinniisaata suleqataasutut allatulli ilisimatinneqarnissaanit qaammatinik 3-nik sivilisunerusumik.

Imm. 2. Sulisut sinniisaata sulinera nalinginnaasumik piffissap ilisimatitsiffiusup iluani unitsinneqarsinnaanngilaq, aamma taamaaliortoqartinnagu SIK soraarsitsinerup eqqortuuneranik akerleriissutit suliarineqartarnerat malillugu suliarinninnissaminut periarfissinneqaqqaarsimassaaq. Anguniarneqartariaqarpoq suliap akerleriissutit suliarineqartarnerat malillugu suliarineqarnissaata sapinngisamik piaartumik suliarineqarnissaa taamaalilluni piffissaq soraarsitsinissamik ilisimatitsivik naatinnagu aalajangiisoqarsinnaaqullugu.

Imm. 3. Soraarsitsineq akerleriissutit suliarineqartarnerat malillugu suliarineqareerluni eqqungitsuutinneqaraluortoq sulisitsisup sulisut sinniisaannik soraarsitsinini aalajangiusimaannassaguniuk piffissap soraarsitsinissamik ilisimatitsiviusup nalaani aningaa-sarsiaqartitsinermi saniatigut taarsiissutini akiliuteqartussaataavoq, pissutsit tunngavigalugit annertussusilerneqartussanik, ki-siannili sap.akunnerini 13-ini aningaasarsiat sinnernagit, qaammatini kingullerni 3-ni sulisut sinniisaata agguaqatigiissillugu isertitarisimasai tunngavigalugit naatsorsorneqartussanik. Taama taar-siissuteqarneq naggataarutaasumik aalajangiineruvoq.

Imm. 4. Sulisut sinniisaata soraarsitaanerata eqqortuuneranik apeqqut aamma pineqartumut taar-siissuteqartoqassappat taakku angissusissaat akerleriissutit suliarineqartarnerat malillugu aalajangerneqassapput.

Imm. 5. Sulisut sinniisaat taamatut suliaqarnerminit sukkulluunniit tunuarsinnaavoq.

Imm. 6. Sulisut sinniisoqarfimmi pineqartumi suleqatit affaat sinnerlugit sulisut sinniisaannik tatinginnikkunnaarlutik nalunaaruteqarpata sulisut sinniisaat erniinnaartumik tunuassaaq.

Imm. 7. Sulisunik sinniisoqarfimmi pineqartumi sulisut 5-nit ikinnerulerpata sulisunut sinniisup taamatut atuunnera unissaaq, allaassaarli illuatungeriit akerlianik isumaqatigiissuteqarpata, tak. § 2, imm. 3.

§ 7 - Piffissaq isumaqatigiissutip atuuffia

Isumaqatigiissut illuatungeriinnit tamanit qaammatinik 3-nik sioqqutsilluni ilisimatitse-reernikkut martsip 31-ani atortussaajunnaarsinneqarsinnaavoq, siusinnerpaamilli 31. Martsip 2029.

Nuuk, ulloq maajip 29-ani 2026

Sulineramik Inuussutissarsiteqartut Kattuffiat

Greenland Airports



Jess G. Berthelsen

Stina Damgaard

Kattuffimmi siulittaasq

Sulisogarnermut Pisortaaneq